



**Qeqqata Kommuni  
kommunalbestyrelsimut nunaqarfinilu  
aqutsisuni ilaasortaanermut ullormusianut  
sulinermilu annaasaqarnermi  
taartisiaqartitsinermi tunniussisarnissamut  
najoqqutassiassatut**

## **Najoqqutassiassani kikkut pineqarpat?**

Najoqqutassiat kommunalbestyrelsimi ilaasortanut nunaqarfinnilu aqutsisuni ilaasortanut ulluni angalanerminnut sulinermi akissarsiassaanut annaasassanut taartisiaqartitaanissamik tunineqarnissamut taamaallaat atuupput.

## **Najoqqutassami suut ilaatinneqanngillat?**

- Kommunalbestyrelsimut ilaasortat aalajangersimasumik akissarsiaat, takuuk aqutsinermut inatsimmi § 65, imm. 1. Aalajangersimasumik akissarsiat matussuserpaat
  - 1) kommunalbestyrelsip ataatsimiinnerini peqataanermut kommunalbestyrelsimilu ataatsimiititaliani ataatsimiinnernut taakkunungalu atasumik suleqatigiinni peqataanernut,
  - 2) Kommunalbestyrelsinut qinersereernerup kingorna kommunip sullineranut atasunut ataatsimiinnernut, allanik aalajangersakkanik immikkut tunngaveqartumik akissarsiaqartitsisoqanngippat,
  - 3) pikkorissarnermut peqataanermut, kommunalbestyrelsimut imaluunniit aningaasaqarnermut ataatsimiititaliamit kommunalbestyrelsimiit pisinnaatinneqarneq naapertorlugu sulinermut pingaaruteqartutut isigineqartuni, imm. 1 aamma imm. 2-mi suliat pineqartut tunngavigalugit,
  - 4) isumasioqatigiinnernut peqataanermut,
  - 5) kukkuneruisut nalunaarutaata saqqummiunneqarnerani peqataanernut,
  - 6) kommunalbestyrelsimut imaluunniit ataatsimiititalianiit piunaffigineqarnerit tunngavigalugit kommunimi sulianik ingerlatsinerit aamma
  - 7) suliaqarnerit allat imm. 1-imiit 6-imut ataatsimiinnerit il.il.
- Nunaqarfinni aqutsisunut ilaasortat aalajangersimasumik akissarsiassaannut
- Kommunalbestyrelsimut toqqarneqarsimaneq tunngavigalugu selskabimi, peqatigiiffimmi, aningaasaateqarfimmi il.il. siulersuisunut ilaasortanut, toqqarneqartoq kommunalbestyrelsimut nunaqarfinniluunniit aqutsisunut ilaasortaangippat
- Ataatsimiititalianut siulersuisunulluunniit ilaasortat, kommunalbestyrelsimut toqqaannartumik toqqagaanngitsut

## **Inatsisitigut tunngavissaq**

Kommunit aqunneqarnerat pillugu Inatsisartut inatsisaat nr. 14, 5. december 2008-meersoq.

Aqutsinermut inatsimmi § 65, imm. 6 naapertorlugu, akissarsiassaasunut, ilassutitut akissarsianut, ilassutitut aningaasarsiat, ullormusiat akissarsiassaraluanut annaasanut taartisiassat, taakkualu tunniunneqartarnerat missingersuusiorneqartarnerallu pillugit Naalakkersuisut maleruagassiorsinnaapput.

Borgmesterinik borgmesterillu tulliinik kiisalu kommunalbestyrelsini nunaqarfinnilu aqutsisunut ilaasortanik il.il. akissarsiaqartitsineq pillugu nalunaarut nr. 29, 18. december 2008-meersoq naapertorlugu Naalakkersuisut taamaaliorput.

Nalunaarummi § 9-mi allassimavoq, Kommunalbestyrelsi aalajangersinnaavaa kommunit aqunneqarnerat pillugu inatsimmi § 65, imm. 1 naapertorlugu ataatsimiinnermut il.il. ilaasunut **ullunut angalaffiusunut** atatillugu sulinermi aningaasarsiasaraluanik annaasanut taartisiaqartitsiumalluni.

Sammisanut tullinnguuttunut sulinermi aningaasarsiasaraluanut annaasassanut tapiissuteqartarnissamik kommunalbestyrelsi aalajangiinikuvoq:

1. Kommunalbestyrelsi ataatsimiinnerini peqataanermut kommunalbestyrelsimilu ataatsimiititaliani ataatsimiinnermut taakkunungalu atasumik suleqatigiinni peqataanermut atatillugu ullunut angalaffiusunut,
2. Kommunalbestyrelsinut qinersereernerup kingorna kommunip sullinneranut atasunut ataatsimiinnermut, allanik aalajangersakkanik immikkut tunngaveqartunik akissarsiaqartitsisoqartinnagu peqataanernut atatillugu ullunut angalaffiusunut
3. Pikkorissaanernut peqataanernut, kommunalbestyrelsimi imaluunniit aningaasaqarnermut ataatsimiititaliamit kommunalbestyrelsimiiti pisinnaatinneqarneq naapertorlugu sulinermut pingaaruteqartut isigineqartuni, imm. 1 aamma imm. 2-mi suliat pineqartut tunngavigalugit peqataanernut atatillugu ullunut angalaffiusunut
4. Isumasioqatigiinnermut peqataanernut atatillugu ulluni angalaffiusunut
5. Kukkersuisut nalunaarutaata saqqummiunneqarnerani peqataanermut atatillugu ulluni angalanernut
6. Kommunalbestyrelsimi imaluunniit ataatsimiititalianiit piunnaqqeqarnerit tunngavigalugit kommunimi sulianik ingerlatsinernut atatillugu ulluni angalaffiusunut
7. Suliaqarnerit allat im. 1-iiit 6-imut ataatsimiinnermut il.il. atatillugu ulluni angalanernut.

Taarsiissutissaq kommunalbestyrelsimi ilaasortanut nunaqarfinnilu aqutsisunut ilaasortanut tunniunneqarsinnaavoq.

### 3 pillugu) Pikkorissarnerit

Pikkorissaanerni suliaqarfuit, ilinniartitsinermi suliaqarfiusunut annertunerusumik ilaanngitsut pineqarput.

### 4 pillugu) Isumasioqatigiinnerit

§ 65 imm. 1-imi aqqissuussat soorlu ataatsimeersuarnerit aamma paasissutissiilluni ataatsimiinnerit annertunerusut ilaatinneqarput.

Pikkorissaaneq, isumasioqatigiinneq imaluunniit ataatsimeersuarneq kommunalbestyrelsimi, nunaqarfinni aqutsisuni ilaasortatut imaluunniit ataatsimiititaliami ilaasortatut suliasatut pingaaruteqarnerisooq kommunalbestyrelsi aalajangigassaraa. Aalajangiineq taamatut annertutigisooq kommunalbestyrelsi ataatsimiititaliamut allamilluunniit aalajangigassanngortissinnaanngilaa.

### 6 pillugu) Kommunimi ilaasortatut suliat toqqaannarnerit

Kommunalbestyrelsi aalajangernikuvoq, kommunimi suliassaqrarfiit allat tullinnguuttut, kommunalbestyrelsimi ilaasortap toqqaannartumik toqqarneqartup angalanermut atatillugu sulinissaraluami annaasaqaataanut taartisiassat pillugit najoqqutassani ilaatinneqassasutaaq:

- Qeqqata Kommuniani qinersinermut ataatsimiititaliamut ilaasortaanermut.
- Kommunit kattuffianni (KANUKOKA) aallartitatut ilaasortaanermut
- Qeqqata Kommuniani atuisut ataatsimiititaliaannut ilaasortaanermut.
- Sisimiuni kulturikkut illorsuarimi Taseralimmi siulersuisunut ilaasortaanermut.
- Sisimiuni timersortarfimmi siulersuisunut ilaasortaanermut.
- Maniitsup timersortarfiani siulersuisunut ilaasortaanermut.
- Sisimiuni Katersugaasivimmi siulersuisunut ilaasortaanermut.
- Maniitsumi Katersugaasivimmi siulersuisunut ilaasortaanermut.
- Maniitsumi Katersortarfeqarnermut siulersuisunut ilaasortaanermut.
- Sivdleq'-mi siulersuisuni ilaasortaanermut.
- "Sisimiuni Majuartaateqarfimmi" kommunalbestyrelsimi toqqakkatut ilaasortaanermut.
- Sisimiuni innuttaasut illuanni siulersuisuni toqqakkatut ilaasortaanermut.
- Sisimiuni Knud Rasmussen Højskoliani siulersuisuni ilaasortaanermut.

Siulersuisuni ilaasortaanermi, tassa imaappoq siulersuisuni ataatsimiinnermut peqataanermuinnaq aallaavilimmi attuumassuteqartunut ataatsimiinnernut ulluni angalanernut sulinissaraluami annaasaqaatissanut taarsiinissamut taamaallaat akiliisoqartarpoq.

Ataatsimiititaliani siulersuisunilu qulaani taaneqartuni ilaasortat allat, kommunalbestyrelsimi imaluunniit kommunalbestyrelsimi ilaasortaanngitsut kommunalbestyrelsimi toqqagaanngitsut malittarisassani ukunani ilaatinneqanngillat.

7 pillugu) ataatsimiinnerni 1-imiit 6-imut taaneqartunut atatillugu sulianik allanik suliaqarneq.

Uani assersuutiginnarlugu nunaqarfinnut tikeraarneq taaneqarpoq, nunaqarfinnut tikeraarnermut atatillugu kommunalbestyrelsip imaluunniit ataatsimiititaliaq aatsaat ataatsimiissanngippat.

Sammisaq alla, isumasioqatigiinneq imaluunniit ataatsimeersuarneq kommunalbestyrelsimi, nunaqarfinni aqutsisuni ilaasortatut imaluunniit ataatsimiititaliami ilaasortatut suliassatut pingaaruteqarnerseq kommunalbestyrelsip aalajangigassaraa. Aalajangiineq taamatut annertutigisoq kommunalbestyrelsip ataatsimiititaliamut allamilluunniit aalajangigassanngortissinnaanngilaa.

## **Suut matussuserneqarsinnaappat?**

Sulinissaraluami annaasassatut taarsiinissap piumasaaqatitarivaa, pineqartoq inuttut annaasaqaateqarsimanissaa. Kommunalbestyrelsi aalajangiinikuvoq nalunaarut naapertorlugu sulinissaraluami annaasaqaataasussanut tamakkiisumik taarsiisoqartassasoq.

Sulinissaraluami annaasaqaataasunut taartisiassat annerpaamik tullinnguuttutut qaffasissuseqassapput:

1) Akissarsialinnut sulinissaraluami annaasassat uppersaataat **imaluunniit**

2) Nalunaarummi § 2 imm. 1-imi (borgmesterimut akissarsiat) akissarsiat taaneqartut 1/730-annut naammattumik ullormut akissarsiaqartitsineq, inuttut suliariornerup nalaani isertitaat inunnut namminersortunut soorlu piniartunut, aalisartunut, savaatilinnut il.i. annerusumik pisuuppat, annerusumilluunniit isertitaqarneq **uppersarsarneqarsinnaappat.**

## **Sulinissaraluami annaasaqaataasunut uppersaateqarnissamik piumasaaqat**

### **Akissarsiortut**

Akissarsiortut akissarsiamik allagartaannik takussutissiisinnaasariaqarput, pineqartoq ataatsimiittoqarneranut atatillugu ulluni angalasimaneri akissarsiaminik ilanngaatsissimanerminik ersersitsisumik.

### **Namminersorlutik suliffiuteqartut**

Nalunaarummi § 2 imm. 2-mi (borgmesterip akissarsiai) taaneqartuni akissarsiani 1/730-t sinnerlugit tiguneqarusuppata annertunerusumik isertitaqartussaasimaneq uppersarsarneqassaaq.

Uppersarsaneq taanna pissaaq assersuutigalugu:

- (assersuutigalugu aalisartunut piniartunullu) tunisisimaneq pillugu uppersarsaammik
- (assersuutigalugu taxartitsisuugaanni) ullormut assingusumut ullormut isertitat uppersarsaataannik
- (assersuutigalugu entreprenørinut/siunnersortinut, kigutilerisunut namminersortunut il.il.) suliarisimasamut akunnermut akigitatut atorsimasaq

## **Sulinissaraluami annaasaqaataasunut taartisiaqartitsinermut akiliuteqarneq**

Sulinissaraluami annaasassanut tunniussinissami ataatsimiissimanermut/pikkorissarnermut imaluunniit assigisaannut kiisalu angalanernut pilersaarut ilanngunneqassaaq.

Sulinissaraluami annaasassanut aningaasartuutitut allaffeqarfiup suliarinnittuusimasup suliarimasaa atorneqassaaq.

Immersugassaq immersorsimasoq tassungalu atasut uppersarsaatit sapinngisamik tikereernerup kinguninngua aammalu kommunalbestyrelsimi ilaasortap, assersuutigalugu suliffigisaminiit,

sulinissaraluaminik annaasaqaataasunut uppersaatit pisariaqartut pissarsiarereerunigit akissarsialeriffimmut tunniunneqassapput.

## **Atuutilerfia**

Najoqqutassiaq kommunalbestyrelsimiit ulloq 29. maj 2009 akuersissutigineqarpoq

Pisariaqartitsineq malillugu najoqqutassiaq nutarterneqartassaaq.

Malittarisassanut ilassutissat, assersuutigalugu kommuni sullinneranut allanik ilassutissat, ulluni angalasimanernut atatillugu sulinissaraluami annaasaqaatissanut tunniussinissamut pisussaaffiliisut, najoqqutassani ilanngunneqannginnerini kommunalbestyrelsimiit akuersissutigineqaqqaassapput.